

上蔡縣志卷之十二

毘陵楊廷望纂修

編年志

楊廷望曰志何以書編年也蔡古國也國必有史後爲州州有乘因其舊而循其事此志所以書編年也編年者何歲周于上而天道明統正于下而人道定大綱槩舉而監戒昭萬目畢張而幾微著是故統系歲年名號必書尊立卒葬纂弑廢徙必書祭祀行幸恩澤朝會必書封拜

上蔡縣志

卷之十一

編年

一

征伐會盟廢黜詔令必書囚繫流竄誅殺寬宥災祥必書具衆書而編年之志成矣或者曰左氏編年史記列傳而茲志何以旣編年而復列傳也曰編年其統之也列傳其分之也有其統之而大綱所以槩舉有其分之而萬目所以畢張也曰然則其綱目之意歟曰何敢也綱目志古今之大事而茲志蔡之一隅曰以一隅之蔡而何以紀懸瓠之事也曰懸瓠之城雖屬汝南而舊城實在汝南上蔡交會間也曰何以蔡州

之事皆其事也曰州本上蔡而州事卽蔡事不
忘本也曰如此志不虛其編年矣乃自周以至
于今詳悉考之志編年

周

武王十有三年己卯伐紂立武庚爲殷祀命蔡叔
同管叔霍叔監于殷

成王三年戊子管叔及蔡叔霍叔以武庚叛周公
誅管叔囚蔡叔于郭鄰

成王八年癸巳周公以蔡叔之子蔡仲克庸祇德

上蔡縣志

卷之十一

編年

二

命諸王邦之蔡

王 年 蔡仲卒子蔡伯荒立

王 年 蔡伯卒子宮侯立

王 年 蔡宮侯卒子厲侯立

厲王十五年丁酉蔡厲侯卒子武侯立

厲王四十一年癸亥蔡武侯卒子夷侯立

宣王十八年辛卯蔡夷侯卒子僖侯所事立

平王九年己卯蔡僖侯卒子共侯興立

平王十一年辛巳蔡共侯卒子戴侯立

平王二十一年辛卯蔡戴侯卒子宣侯考父立

桓王元年壬戌春二月陳侯蔡人宋公衛人伐鄭

秋魯翬帥師會宋公陳侯蔡人衛人伐鄭

桓王五年丙寅六月蔡宣侯卒子桓侯封人立秋

八月葬蔡宣公

桓王七年戊辰秋宋人蔡人衛人伐戴鄭伯伐取
之

桓王十年辛未蔡侯鄭伯會于鄧

桓王十三年甲戌秋蔡人衛人陳人從王伐鄭

上蔡縣志

卷之十一

編年

三

桓王十四年乙亥蔡人殺陳佗

桓王十九年庚辰魯柔會宋公陳侯蔡叔盟于折

桓王二十二年癸未宋人以齊人蔡人衛人陳人

伐鄭

桓王二十三年甲申夏五月鄭伯突奔蔡

莊王元年乙酉春正月宋公魯侯蔡侯衛侯會于

曹夏四月魯公宋公衛侯陳侯蔡侯伐鄭

莊王二年丙戌夏六月蔡桓侯卒子哀侯獻舞立

秋八月蔡季自陳歸于蔡葬蔡桓公

莊王八年壬辰冬魯公會齊人宋人蔡人陳人伐
衛

莊王十一年乙未春正月魯師次于郎以俟陳人
蔡人甲午治兵

莊王十三年丁酉秋九月荆敗蔡師于莘以蔡侯
獻舞歸

僖王元年庚子春齊侯宋人陳人蔡人邾人會于
北杏

僖王二年辛丑秋七月荆師人蔡

上蔡縣志

卷之十一

編年

四

惠王二年丙午蔡哀侯卒于楚蔡人立其子盼是
爲繆侯

惠王二十一年乙丑春正月齊侯以七國之師侵
蔡蔡潰南至召陵諸侯爲蔡謝齊齊歸蔡繆侯

惠王二十三年丁卯楚圍許蔡繆侯將許僖公以
見楚子于武城

襄王六年乙亥冬蔡繆侯卒子莊侯甲午立

襄王十一年庚辰冬魯人會陳人蔡人楚人鄭人
盟于齊

王十三年壬午秋宋公楚子陳侯蔡侯鄭伯許男曹伯會于孟執宋公以伐宋

襄王十九年戊子冬楚人陳侯蔡侯鄭伯許男圍宋

襄王二十年己丑夏五月癸丑晉侯齊侯宋公魯侯蔡侯鄭伯衛子莒子盟于踐土冬晉侯齊侯宋公魯公蔡侯鄭伯陳子莒子邾人秦人會于溫

襄王二十一年庚寅夏六月王子虎魯侯晉人宋人齊人陳人蔡人秦人盟于翟泉

襄王二十五年甲午冬楚令尹子上侵陳蔡陳蔡成遂伐鄭晉陽處父侵蔡楚子上救之與晉師夾泚而軍

頃王二年甲辰冬楚子蔡侯次于厥貉將以伐宋
匡王元年己酉六月晉大夫卻缺帥師伐蔡戊申入蔡以蔡人不與新城之盟受城下之盟而還
冬十有一月晉侯宋公衛侯蔡侯陳侯鄭伯許男曹伯盟于扈尋新城之盟是年蔡莊侯卒子

文侯里立

匡王四年壬子魯宰公冉務人奉其帑奔蔡

定王十五年己巳蔡文侯卒子景侯固立夏葬蔡

文公

定王十八年壬申魯公及楚人秦人宋人陳人衛

人鄭人齊人曹人邾人薛人鄆人盟于蜀蔡侯

許男春秋不書者以乘楚車也

簡王元年丙子晉欒書帥師侵蔡楚公子申公子

成以申息之師救蔡禦諸桑隧

汝南朗陵縣東有桑里在上蔡

上蔡縣志

卷之十一

編年

六

縣西
南

簡王三年戊寅晉欒書帥師侵蔡

靈王七年丙申夏鄭人侵蔡獲蔡公子燹

靈王十九年戊申蔡殺其大夫公子燹蔡公子履

出奔楚

靈王二十三年壬子冬楚子蔡侯陳侯許男伐鄭

靈王二十五年甲寅冬楚子蔡侯陳侯伐鄭

靈王二十六年乙卯夏晉趙武魯叔孫豹楚屈建

蔡公孫歸生衛石惡陳孔奐鄭良霄許人曹人

會于宋

靈王二十七年丙辰夏齊侯陳侯蔡侯北燕伯杞伯胡子沈子白狄朝于晉秋八月蔡侯歸自晉入于鄭鄭伯享之

景王二年戊午夏四月蔡世子般弑其君景侯固般自立是爲靈侯

景王四年庚申春正月晉趙武楚公子圍齊國弱宋向戌魯叔孫豹衛齊惡陳公子招蔡公孫歸生鄭罕虎許人曹人會于虢

景王五年辛酉漆雕開生

景王七年癸亥夏楚子蔡侯陳侯鄭伯許男徐子滕子頓子胡子沈子小邾子宋世子佐淮彞會于申秋七月楚子蔡侯陳侯許男頓子胡子沈子淮彞伐吳執齊慶殺之遂滅賴

景王八年甲子冬楚子蔡侯陳侯許男頓子沈子徐人越人伐吳

景王十四年庚午夏四月丁巳楚子虔誘蔡侯般殺之于申楚公子棄疾帥師圍蔡冬十一月丁

西楚師滅蔡執蔡世子有以歸用之用之殺冬

十二月楚子城陳蔡不羹使公子棄疾為蔡公

景王十六年壬申秋八月楚平王封隱太子之子

廬歸于蔡是為平侯蔡祀復續冬十月葬蔡靈

公

景王十八年甲戌夏蔡朝吳出奔鄭

景王二十年丙子冬有星孛于大辰大辰房心尾也

景王二十三年己卯冬十一月蔡平侯卒子朱立

景王二十四年庚辰春三月葬蔡平公冬蔡侯朱

上蔡縣志

卷之十一

編年

八

出奔楚平公弟悼侯東國立

敬王元年壬午夏六月蔡悼侯卒于楚弟昭侯申

立秋七月吳敗頓胡沈蔡陳許之師于鷄父入

月楚太子建之母在郢召吳人而啟之冬十月

甲申吳太子諸樊入郢取楚夫人與其寶器以

歸

敬王十四年乙未春三月劉子晉侯宋公魯侯蔡

侯衛侯陳子鄭伯許男曹伯莒子邾子頓于胡

子滕子薛伯杞伯小邾子齊國夏會于召陵侵

楚夏四月庚辰蔡公孫姓帥師滅沈以沈子嘉歸殺之并其地秋七月楚人圍蔡冬十一月蔡侯以吳子及楚人戰于栢舉楚師敗績

敬王十五年丙申夏魯歸粟于蔡魯以周亟矜無資

敬王二十六年丁未春正月楚子陳侯隨侯許男圍蔡報栢舉也

敬王二十七年戊申冬十一月蔡遷于州來蔡殺其大夫公子駟

敬王二十八年己酉秋蔡人放其大夫公孫獵于吳

敬王二十九年庚戌春二月丁丑盜殺蔡昭侯子成侯朔立公孫辰出奔吳夏殺其大夫公孫姓公孫霍冬十二月葬蔡昭公是年孔子在陳思歸魯尋如蔡

敬王三十一年壬子春孔子自蔡如葉復反蔡楚子遣使來聘孔子陳蔡大夫發徒役圍之于野不得行絕糧七日楚以師迎乃適楚秋孔子自

足于茲

王四十一年壬戌夏四月己丑孔子卒于魯

元王四年己巳蔡成侯卒子聲侯產立

貞定王十二年甲申蔡聲侯卒子元侯立

貞定王十八年庚寅蔡元侯卒子齊立

貞定王二十二年甲午楚子滅蔡蔡侯齊出亡

秦

始皇十七年辛未置潁川郡蔡屬之

潁川治卽今許州

始皇三十四年戊子燒詩書百家語

上蔡縣志

卷之十一

編年

十

二世二年癸巳下李斯吏要斬移三族

漢

高后呂氏三年丙辰汝水溢

文帝元年壬戌秋以河南守吳公治平爲天下第

一召爲廷尉

成帝永始二年丙午冬十一月策免御史大夫翟

方進復以翟方進爲丞相

成帝綏和二年甲寅春二月熒惑守心責丞相方

進以應天變方進自殺

孺子嬰二年丁卯秋九月東郡太守翟義起兵討
王莽立宗室劉信爲天子三輔豪傑起兵應之
卒與莽兵戰不克死之

東漢

安帝永初二年戊申分汝南郡之上蔡縣置定潁
縣

安帝建光元年辛酉春三月封鄧騭爲上蔡侯
桓帝延熹九年丙午二月蔡饑

蜀

上蔡縣志

卷之十一

編年

十一

後主建興二年甲辰魏主丕以舟師循蔡潁擊吳
臨江而還

後主建興十四年丙辰冬十月有星孛于大辰又
孛于東方

後主延熙四年辛酉魏遣鄧艾屯田陳蔡之間開
廣漕渠

後主延熙十八年乙亥春正月魏母丘儉文欽反
渡淮西入項城司馬師遣王基進據南頓師自

屯汝陽

古汝陽在今
上蔡縣境內

晉

武帝泰始四年戊子秋九月大水螟是年改上蔡
為武津

武帝咸寧元年乙未杜預請決壞馬腸諸陂以除
水患

惠帝元康四年甲寅十一月大水

惠帝元康五年乙卯大水

惠帝元康八年戊午九月大水

元帝大興三年庚辰六月太白歲星合于房

上蔡縣志

卷之十一

編年

十二

康帝建元二年甲辰春熒惑守房

哀帝興寧元年癸亥秋八月有星孛于角亢

孝武帝太元八年秦主苻堅大舉入寇運漕萬艘

自汝達潁

安帝義熙元年乙巳秋九月南燕汝水竭

南朝

宋文帝元嘉二十七年
魏太武帝太平眞君十一年
庚寅春二月魏侵宋

圍懸瓠晝夜攻之作高樓臨城以射矢下如雨

城中負戶以汲施大鉤於衝車之端以牽樓

壞其南城陳憲內設女墻外立木以拒魏人
塹塹肉薄登城憲督厲將士苦戰積屍與城等
魏人乘屍上城短兵相接憲銳氣愈奮戰士無
不以一當百殺傷萬計城中死者亦過半魏遣
永昌王仁驅所掠六郡生口北屯汝陽十一月
魏永昌王仁克懸瓠遂敗宋師於尉武殺其將
劉康祖

宋明帝泰始二年
魏獻文帝天安元年 丙午冬十月宋汝南太守常

珍奇以懸瓠叛降於魏請兵自救魏遣西河公

上蔡縣志

卷之十一

編年

十三

石救懸瓠石至上蔡珍奇率文武三百人出迎
議頓軍汝北博士鄭羲曰珍奇意未可量不如
直入其城據有府庫制其腹心石遂策馬入城
珍奇果夜燒府屋欲因火作難以石有備而止
是時民多不願屬魏魏遣建安王陸馥宣慰民
有陷軍爲奴婢者馥悉免之民乃悅

宋明帝泰始三年
魏獻文帝皇興元年 丁未春正月魏取宋豫州淮

西地後改上蔡爲臨汝移上蔡於懸瓠冬十二
月常珍奇叛魏歸宋珍奇雖降魏實懷二心朱

劉劭復以書招之會魏西河公石攻汝陰珍奇

乘虛燒劫懸瓠驅掠上蔡安成平輿三縣民屯

於灌水

宋明帝泰始四年 戊申春正月魏侵宋武津 晉

魏獻文帝皇興二年 名縣 宋劉劭擊却之斬其將于都公闕于拔

宋主昱元徽元年 癸丑秋七月魏制河南六州 魏孝文帝延興三年

賦法戶收絹一疋綿十斤租三十石

齊明帝永泰元年 戊寅春二月魏主如縣 魏孝文帝太和二十二年

瓠秋九月引兵還

上蔡縣志

卷之十一

編年

十四

梁武帝天監七年 戊子冬十月魏懸瓠軍主已 魏宣武帝永平元年

早生殺豫州刺史司馬悅以懸瓠叛降梁冬十

二月魏邢巒將兵復取之

梁武帝普通六年 乙巳冬十二月魏以臨淮王 魏孝明帝孝昌元年

彧討魯陽軍屯汝上

梁武帝太清元年 丁卯春二月魏侯 東魏武定五年

景以河南叛附於梁梁遣羊鴉仁等將兵三萬

趨懸瓠應之夏四月東魏遣兵討侯景景以

鴉仁等軍未至退保潁川以四 賂魏求救魏

遣兵救之徵景入朝不受命羊鴉仁等軍至
水東魏及魏軍皆引還景引軍出屯懸瓠

隋

文帝開皇二十年庚申徵同州刺史蔡王智積入
朝

煬帝大業三年丁卯復臨汝爲上蔡又曰鄖陽

煬帝大業四年戊辰彗星掃文昌至房而滅

煬帝大業七年辛未大水

煬帝大業十二年丙子十二月蔡王智積卒

上蔡縣志

卷之十一

編年

十五

唐

太宗貞觀四年庚寅蔡公杜如晦卒

太宗貞觀八年甲午秋七月大水

明皇開元十年壬戌五月汝水溢漂溺數千家

明皇開元十四年丙寅秋七月大水

明皇開元二十六年戊寅令天下州縣里皆置學

代宗大歷十四年己未以劉晏判度支時自汁蔡

之東皆食海鹽晏置常平鹽官獲其利而民不

乏鹽

德宗建中三年壬戌李希烈率所部自蔡

許州謀襲汴州東南轉輸者皆自蔡水而上

德宗建中四年癸亥春三月李希烈引兵歸蔡州

德宗興元元年甲子秋八月李希烈殺顏真卿于

蔡州

德宗貞元二年丙寅夏四月淮西將陳仙奇殺李

希烈以降以仙奇為節度使秋七月陳仙奇為

其將吳少誠所殺以少誠為留後少誠賤時為官健卒逃

去至上蔡凍餒丐食於路獵師得鹿方欲聚食忽聞空中有待吳尚書衆人驚駭

上蔡縣志

卷之十一

編年

十六

少選一人攜小襍過獵者揖而問之姓名吳食畢獵人賀曰公即富貴幸記某等姓名具述其事少誠曰某軍健卒苟免擒獲足矣安有富貴之事後為節度兼工部尚書使人求獵者厚以錢帛酬之

德宗貞元七年辛未割汝陽朗山上蔡吳房之域

置汝南縣

德宗貞元八年壬申秋七月大水

德宗貞元十四年戊寅九月吳少誠反

德宗貞元十五年己卯詔削奪吳少誠官爵令諸

道進兵討之諸軍既無統帥進退不一自潰

小澱水

德宗貞元十六年庚辰春二月以韓全義爲蔡州
招討使五月全義與淮西兵戰于澱南大潰

憲宗元和四年己丑吳少誠卒

憲宗元和五年庚寅以吳少陽爲淮西留後

憲宗元和九年甲午閏七月彰義節度使吳少陽
卒子元濟匿喪自領軍務

憲宗元和十年乙未春正月吳元濟反夏五月遣
御史中丞裴度宣慰淮西行營九月以韓弘爲

淮西都統

憲宗元和十一年丙申以李愬爲唐鄧節度使討
吳元濟

憲宗元和十二年丁酉以裴度兼彰義節度使克
淮西宣慰招討使冬十月李愬夜襲蔡州擒元
濟檻送京師初丞相裴度往平淮西至上蔡有
掘地得石其文曰井底一竿竹一色深綠綠雞
未肥酒未熟障車兒郎且須縮度得之以示從
事者忽一卒曰吳元濟逆天子命爲反謀今日

暮死矣鷄未肥者無肉也酒未熟者無水也

無肉爲巳酒無水爲酉然則破蔡之日其在己酉乎度喜顧左右曰卒辨者也及元濟擒果屬己酉乃以卒爲裨將

憲宗元和十三年戊戌上蔡生菽茁草引蔓結寔味甘人賴爲食

文宗開成十一年丁巳九月有彗星見於房長三尺

懿宗咸通十四年癸巳大水

上蔡縣志

卷之十一

編年

十八

僖宗廣明元年庚子冬十一月以秦宗權爲蔡州刺史

僖宗中和三年癸卯夏六月黃巢取蔡州秦宗權降之合兵圍陳州

僖宗光啟元年乙巳秦宗權僭號八月以趙犇爲蔡州節度使

僖宗文德元年戊申春正月蔡將石璠寇陳毫朱全忠遣朱珍葛從周將兵擊擒之五月朱全忠克蔡外城十二月蔡將中叢執秦宗權以降

昭宗乾寧元年甲寅冬十一月以劉隱爲封州

史

昭宗乾寧三年丙辰夏四月武安軍亂殺劉建鋒

推馬殷爲留後冬十月以劉隱爲海行軍司

馬

昭宗光化元年戊午以馬殷知武安留後

昭宗天祐元年甲子冬十二月以劉隱爲清海節

度使

哀宗天祐四年丁卯夏四月梁以殷爲楚王

上蔡縣志

卷之十一

編年

十九

梁後

太祖開平元年丁卯六月汝生有野禽群飛

蔽空食之皆盡

太祖開平四年庚午夏六月梁以楚王殷爲天策

上將軍

太祖乾化元年辛未三月梁清海節度使劉隱卒

弟嚴知留後

梁主瑱貞明三年丁丑秋八月劉嚴稱越帝于廣

州

主瑱貞明四年戊寅越改國號漢

唐後

莊宗同光三年乙酉歲饑是年漢主改名龔

明宗天成二年丁亥唐以馬殷爲楚國王

明宗天成四年己丑楚王殷以其子希聲知政事

總諸軍

明宗長興元年庚寅十一月楚武穆王馬殷卒于

希聲嗣

明宗長興三年壬辰秋七月唐武安節度使馬希

上蔡縣志

卷之十一

編年

二十

聲卒八月弟希範嗣

明宗長興四年癸巳唐以馬希範爲楚王

路王青泰三年丙申夏四月楚王希範以其弟希

杲知朗州

晉後

高祖天福四年己亥晉加楚王希範天策上將軍

高祖天福七年壬寅夏四月漢主龔殂子玠立

高祖天福八年癸卯漢晉王弘熙弒其主玠而自

立更名晟

晉主重貴開運三年丙午八月以楚王希範爲

道兵馬元帥

後漢

高祖天福十二年丁未楚文昭王希範卒弟希廣

嗣秋七月楚希廣以其兄希萼守朗州

隱帝乾祐二年己酉冬十月楚靜江節度使馬希

瞻卒

隱帝乾祐三年庚戌馬希萼陷潭州殺楚王希廣

而自立

上蔡縣志

卷之十一

編年

二十一

後周

太祖廣順元年辛亥楚將徐威等伏誅廢其君希

萼立希崇爲武安留後楚人復立希萼居衡山

冬十月希崇降唐盡遷馬氏之族于金陵十二

月唐以馬希萼鎮洪州希崇鎮舒州

世宗顯德五年戊午秋八月南漢主晟殂子鋹立

世宗顯德六年己未春二月導汴水入蔡水

汴水在開

封府界東流過蕭縣至徐州城東北與泗木通
蔡水卽蔡溝之水在縣西南二里許其水盈

無源古有此
蔡河卽此

宋

太祖建隆二年辛酉蔡靈雨害稼陸地行舟詔發
陳許丁夫數萬浚蔡水入潁

太祖建隆三年壬戌冬十一月歲星熒惑合於房
太祖端拱二年己丑春正月熒惑犯房第一星

眞宗景德四年丁未有年淮蔡間麥斗十錢米斛
二百錢

眞宗大中祥符元年戊申有年米斗七八錢

眞宗天禧四年庚申夏四月有兩月並見

上蔡縣志

卷之十一

編年

二十二

仁宗天聖四年丙寅夏六月大雨平地水數尺帝
避殿減膳肆赦蠲民租

仁宗至和二年乙未春三月改封孔子後文宣公
世愿爲衍聖公大常博士祖無擇言祖諡不可
加後嗣乞更定美號乃改封焉

神宗熙寧二年己酉冬十二月下龍圖閣學士祖
無擇秀州獄貶爲忠正軍節度副使

哲宗紹聖元年甲戌蔡水害稼

徽宗政和元年己亥蔡境進瑞麥圖一 自四

穗者

徽宗政和四年壬寅汝蔡間連山大小石皆變爲

瑪瑙尚方因取爲器玩甚富

至宣和以後御府所藏瑪瑙變而爲

石成白骨色

高宗紹興六年丙辰少保河南招討使岳飛復蔡州克之

高宗紹興十年庚申金兀朮撒離喝分道入寇河南州縣復陷于金閏六月岳飛攻金人于蔡州破之復其城

上蔡縣志

卷之十一

編年

二十三

高宗建炎十四年甲子汝蔡饑金主詔流民典僱爲奴婢者官給絹贖爲良放歸其鄉

理宗紹定六年癸巳金主濟河次於蒲城及蒙古人戰於白公廟金師敗績金主奔蔡州

理宗端平元年甲午正月金主守緒傳位於東面元帥承麟孟珙入蔡州蒙古師從之金王守緒遂自經尚書右丞完顏忽斜虎死之承麟亦爲亂兵所殺江海獲金叅知政事張天綱以歸金亡以陳蔡西北地分屬蒙古

元

世祖至元二十七年庚寅黃河決祥符之義塘灣
而西蔡河上流湮塞

武宗至大元年戊申旱蝗歲饑民間採草根樹皮
爲食有父食其子者詔遣官賑貸仍蠲除差稅

仁宗延佑七年庚申冬饑

英宗至治二年壬戌大旱歲饑詔免田租之半

順帝至正十一年辛卯夏五月潁寇劉福通破上

蔡八月樞密院也先鐵木兒 兵討之復上蔡

上蔡縣志

卷之十一

編年

二十四

順帝至正十七年丁酉歲大饑

順帝至正二十五年乙巳春二月日旁有一月一

星三月白虹貫日

明

太祖洪武二年己酉春正月丙申夜太陰犯房宿

太祖洪武九年丙辰春正月庚午夜太陰犯房宿

英宗天順元年丁丑蝗詔免田租

孝宗宏治二年己酉夏六月大水壞民廬舍

孝宗宏治二十四年辛未大有年

武宗正德三年戊辰大旱饑人相食

武宗正德六年辛未霸賊劉六劉七齊彥明趙燧等陷上蔡知縣霍恩死之

武宗正德七年壬申冬黑青見皆鳴金操刃以遂武宗正德十四年己卯十月地震屋瓦有聲

世宗嘉靖元年壬午元日地震

世宗嘉靖二年癸未知縣傅鳳翔甃磚城秋霖雨

世宗嘉靖三年甲申元日地震

世宗嘉靖八年己丑旱蝗

上蔡縣志

卷之十一

編年

二十五

世宗嘉靖十三年甲午有年

世宗嘉靖十八年己亥大旱飛蝗蔽天

世宗嘉靖十九年庚子春饑疫人相食詔免本年田租之半仍遣官賑濟

世宗嘉靖二十三年甲辰歲大饑

世宗嘉靖三十二年癸丑大水詔免田租之半

世宗嘉靖三十四年乙卯地震有聲

世宗嘉靖三十六年丁巳秋飛蝗蔽天

世宗嘉靖四十一年壬戌七月大風偃未拔木

穆宗隆慶二年戊辰春風霾四塞

穆宗隆慶四年庚午夏大雨無麥

神宗萬曆九年辛巳七月雨雹傷稼

神宗萬曆十一年癸未十二月羣鳧東飛蔽天

神宗萬曆十八年庚寅三月清明日黑風自西來

揚沙拔木天日晝昏

神宗萬曆二十年壬辰秋大水無禾

神宗萬曆二十一年癸巳春夏霪雨入秋更甚田

隴廬舍崩壞殆盡溺死者無算冬羣盜四起

上蔡縣志

卷之十一

編年

二十六

神宗萬曆二十二年甲午春人相食有司以疏聞

發帑金遣官賑濟

始食樹皮繼食道殣已而父子兄弟夫婦相食遂有以人

肉市者 是夏大疫

神宗萬曆二十三年乙未正月初八日雷電

神宗萬曆二十四年丙申蝗蝻害稼大水城傾百

六十餘丈知縣岳虞詢修補

神宗萬曆三十一年癸卯春霪雨七旬歲饑

神宗萬曆三十二年甲辰春大疫

神宗萬曆三十三年乙巳正月雷電

神宗萬曆三十五年丁未元日大風撼屋

神宗萬曆三十六年戊申野獲白兔

神宗萬曆四十年壬子有年

神宗萬曆四十四年丙辰蝗食禾殆盡

神宗萬曆四十六年戊午八月大水九月雪

神宗萬曆四十八年庚申夏大旱秋蝗

熹宗天啟二年壬戌旱蝗

熹宗天啟四年甲子秋烈風大雨傷禾

懷宗崇禎六年癸酉冬十月有鳥鳩身猴足羣飛

上蔡縣志

卷之十一

編年

二十七

有聲夜棲沙洲

俗呼番鷄按本草此鳥名曰寇雉出主兵亂

是年流

寇自秦晉渡河分營四十有八掠至蔡境土寇

竊發

懷宗崇禎七年甲戌春大饑流寇合營駐扈家店

分兵四掠至瀦澣一帶焚殺更甚

懷宗崇禎八年乙亥正月朔五日流寇闖塌天混

十萬過天星等經城下焚南關南犯汝寧遊擊

陳永福來援過蔡如汝是歲流賊去來無常土

寇乘機劫掠

懷宗崇禎九年丙子春大疫大饑人相食夏平涼
總兵尤世威督撫王家禎總兵左良玉相繼勦
賊師次上蔡秋八月土寇鄭和軒丘二毛伏誅
冬流賊混十萬過天星一條龍曹操八大王一
斗穀等前後劫掠殺擄男婦無數土賊結連冬
立營寨號兵主

懷宗崇禎十年丁丑春巡按楊繩武按汝檄都司
劉洪起遊擊朱榮祖睢陳道張鵬翀率兵擒

土寇渠魁汝陽盛顯祖遂平郭三海上蔡張五

上蔡縣志

卷之十一

編年

二十八

平西平侯鷺鷺斬之秋太監盧九德劉元斌領
兵駐蔡是年寇雉復見

懷宗崇禎十一年戊寅春紅風蔽天白晝如夜流
寇闖塌天復掠蔡犯汝

懷宗崇禎十二年己卯春流賊新三營黃姓者
過蔡大肆殺掠執士民繫城下索金銀騾馬以
贖督師熊文燦過蔡駐汝蹂躪更甚秋城內火
發延燒數千百家月餘乃止

懷宗崇禎十三年庚辰地 土寇喬幸等降

千總幸乘醉持刀肆兇典史張之翰親擒斬之
時總兵黃得功劉良佐過蔡駐汝

懷宗崇禎十四年辛巳夏督師丁啟睿都督楊文
岳總兵虎大威左良玉火攻車子軍叅將楊昞
各領重兵駐蔡境時援汴敗績還汝過蔡是歲
大饑人相食

懷宗崇禎十五年壬午春二月二十九日流賊李
自成陷蔡毀城垣知縣許永禧死之士寇入城
搜搶財物房屋盡焚冬署縣事照磨官篆招集

上蔡縣志

卷之十一

編年

二十九

殘民多方保護賊格瞭雁突至篆戰死府委新
蔡教諭王某署蔡值李自成破汝寧兵將殲滅

蔡大震教諭遁去同知韓煜署道印委本地營

頭申有志暫理縣事

時土寇蠶起徧立營寨據地分民交相攻擊殺人劫

寨殆無虛日百姓東遷西徙棲止靡定少壯奔
逃老弱盡死無主之婦女什伯成羣匿澗谷荒
草中食死牛馬肉嚙草根衣敝紙竟無人形惟
東岸鎮劉格團結鄉鄰堅守一寨人多依之

懷宗崇禎十六年癸未李自成稱帝於襄陽遣偽

知縣熊姓者來任蔡自成入關熊遁去

懷宗崇禎十七年甲申勸農總兵劉洪起建鎮

寧委光州吏目 煖署縣事旋罷又委西平生
員吳三樸來署縣事是年

皇清定鼎于北京改元順治元年

本朝

順治二年乙酉

豫王兵定河南知縣劉爾謨來蒞蔡殘民漸次復
業

順治三年丙戌知縣管起鳳補修城垣貢生楊景
震園生芝草包河忽生五色蓮花數頃

上蔡縣志

卷之十一

編年

三十

順治六年己丑知縣張學禮請折地畝照汝陽例
小地三畝六分折大地一畝

順治八年辛卯春正月地震

順治九年壬辰春二月地震秋大水傷稼

順治十一年甲午冬十月地震

順治十二年乙未春大旱冬十二月雷

順治十五年戊戌夏大雨傷麥秋大水傷禾

順治十六年己亥春夏霪雨無麥牛多疫死秋大
水傷禾李始實天鼓鳴

順治十八年辛丑夏秋大旱禾不登

康熙元年壬寅秋八月地震大有年

康熙三年甲辰夏四月知縣周源建縣署八月落

成

康熙五年丙午春三月烈風自西北來撼屋摧石

康熙六年丁未有龜見于蒼臺

康熙七年戊申夏六月大雨洪河決田禾淹沒十

七日地震有聲踰時不止九月地震有聲房屋

動搖

上蔡縣志

卷之十一

編年

三十一

康熙八年己酉六月大雨洪河決田禾淹沒

康熙九年庚戌春三月大雨經旬洪河決平地水

深數尺

康熙十二年癸丑秋霖雨無禾大疫

詔免本年田租之半

康熙十三年甲寅大有年

康熙十六年丁巳河決傷麥滄禾六月十五日烈

風雨雹拔木偃禾

康熙十七年戊午夏秋大水田禾盡沒歲饑大疫

有全家死者

詔免本年田租之半是歲水蛭騰樹杪鳥巢高長足
水蠅徧集場圃人相食

康熙十八年己未春二月大饑

詔發帑金遣官賑濟每丁口銀壹兩陸錢設廠煮粥
又給散倉穀三月雨雹傷麥自五月至八月百
日無雨禾苗盡枯

詔免本年田租之半

康熙二十一年壬戌秋八月有龜見于蒼臺大七

上蔡縣志

卷之十一

編年

三十二

寸尾甲皆白是年大中丞王日藻題允漕糧徵
解折色

康熙二十二年癸亥春正月震雷烈風雪雨彌月
二月大霧經旬不見日星三月靈雨麥不登秋
大水滄禾

康熙二十三年甲子春正月雷二月

詔遣官賑濟饑民每丁銀二錢九月雨雹

康熙二十四年乙丑夏麥不登秋大風折禾穗籽
粒一空冬

詔免本年田租拖欠在民者并免來年田租之半

康熙二十五年丙寅春知縣楊廷望築洪河堤岸

夏旱蝗不爲災冬無雪水澤不堅

康熙二十六年丁卯疏濬河渠修築道路復治洪

河堤岸

康熙二十七年戊辰冬十一月奉

詔大赦天下

康熙二十八年己巳春三月學宮成秋八月扈廟

成冬築柳子堰堤濬河渠

上蔡縣志

卷之十一

編年

三十三

康熙二十九年庚午春三月書院成是年牛災死者十之八九秋七月旱八月大水

康熙三十年辛未夏五月旱蝗不爲災冬十一月奉

旨蠲免來年丁地錢糧漕米并緩征本年丁地錢糧之拖欠在民者

康熙三十一年壬申秋作月城門冬十二月常平

倉成

康熙三十二年癸酉夏四月項人侵占我東界開

汝兩郡太守會勘於楊家集孫灣店奸民將蔡
地文契私用頂印逞刁朦混知縣揚廷望面折
其奸歸我楊家集孫灣店疆界得正冬十一月
復濬蔡河茅河寬深倍前

康熙三十三年甲戌秋九月地畝魚鱗册告成冬

十月修濬柳子堰內外溝渠五道以洩西來之

水柳子堰即新堤所以禦西遂一帶之水夏秋
之間天雨連綿西來之水高出堤堰堰外田
禾盡為淹沒知縣楊廷望遍歷堤之內外相度
地形擇其地之最下難耕之處鑿渠五道上接
西遂之界不入蔡埠河惜工未竟廷望捐陞去
一簣之成不無厚期於後之君子云